

Cofnodion Cyfarfod y 7fed o Fai 2019

Yn bresennol :- Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams, Richard Llwyd Jones, Gareth Wyn Griffiths, R. Hefin Williams, Rhian Evans-Hill, Lowri Hughes, Gwawr Wyn Roberts, Martin Davies a Emma Chappell.
Croesawyd Y Cynghorydd Elwyn Jones

Gweddi: Offrymwyd gair o weddi gan Richard Ll Jones

1. Ymddiheuriadau.

Jane Pierce a Aled Green

2. Datgan buddiant

Dim

3. Ethol Swyddogion

Rhodddwyd gair o ddiolch gan y Cadeirydd Idris Thomas i'r aelodau am eu gwaith yn ystod y flwyddyn, ac am bob cefnogaeth dros y ddwy flynedd tra bu yn y gadair, a hynny trwy sawl cyfnod o benderfyniadau anodd.

Fel yr is gadeirydd presennol, Cynigiwyd Gareth Wyn Griffiths yn Gadeirydd

Phyllis Ellis (1)

R. Hefin Williams (2)

Felly, gyda'r Cynghorydd Gareth Wyn Griffiths yn Cadeirio, diolchodd i'r Cynghorydd Idris Thomas am ei waith fel cadeirydd dros y ddwy flynedd diwethaf, a dywedodd ei fod yn edrych ymlaen i Gadeirio pwyllgorau'r Cyngor dros y flwyddyn nesaf.

Cynigiwyd ac eiliwyd y cynghorydd Emma Chappell yn is-gadeirydd am y flwyddyn.

R Hefin Williams (1)

Richard Ll. Jones (2)

4. Adolygu Polisiau

Polisi Risg – Dim Sylwadau, a penderfynwyd fod yn gywir ac wedi ei adolygu.

Polisi Ariannol – Dywedodd y clerc fod yn cael trafferth cysylltu a'r banc gan fod ei henw ddim i lawr fel cysylltydd ar y cyfrif. O bryd i'w gilydd, bydd angen i'r clerc gysylltu a'r banc, megis cadarnhau fod manylion yn gywir ayyb. Mae posib rhoi enw'r clerc lawr ar y cyfrif, ond nid yn lofnodwr. Penderfynwyd i wneud hyn ac ail edrych ar y polisi yn dilyn hyn.

Rheolau Sefydlog – Mae'r cyngor wedi ail adolygu y rheolau yma yn drylwyr y llynedd, eleni, nid oedd neb yn gweld dim newid i'w wneud, felly penderfynwyd eu bod yn gywir ac wedi ei adolygu.

Cytundeb Cyflogaeth – Adolygwyd hwn pan rhodddwyd fwy o oriau gwaith i'r clerc yn Gorffennaf 2018, felly, penderfynwyd ei fod yn gywir, ac wedi ei adolygu.

Polisi Cyfryngau Cymdeithasol – Nodwyd fod camsillafu yn 2.2. Dylai ddarllen "diamod" yn hytrach na "diannod". Nodwyd hyn, a penderfynwyd fod y polisi ar hyn o bryd yn gywir ac wedi ei adolygu.

Dywedodd y Cadeirydd, fod cadw dysylltiad a'r gymuned ac etholwyr yn bwysig, ac efallai

yn y dyfodol agos y dylai'r cyngor edrych a thrafod os y byddai yn dda defnyddio Cyfryngau Cymdeithasol i roi neges allan i'r gymuned. Mae yna ddaidl o blaid ac yn erbyn o bosib, ond, yn sicr bydd posib cael trafodaeth ac ystyried opsiynau yn ystod y flwyddyn.

Polisi Data – Eto, ond prin blwyddyn ers y daeth y polisi i rym. Hyd yn hyn, nid oes dim wedi codi, ac felly cadarnhau ei fod wedi adolygu.

Cofrestr Rheoli Risg – Aethpwyd trwy y cofrestr, ac ni ddaeth yn amlwg fod dim yn codi, ac felly wedi ei adolygu.

5. Seddi Gwag

Dyweddodd y Gwawr Wyn Roberts ei bod yn mynd trwy gyfnod ei bod methu bod yn bresennol yn y cyfarfodydd, oherwydd oriau gwaith a gofal teulu, oherwydd hyn, teimlodd bod pwysau arni i ymddiswyddo. Fodd bynnag, mae'r Cyngor yn gwerthfawrogi gwaith arbennig Gwawr tu allan i gyfarfod Y Cyngor, ac yn fodlon derbyn ymddiheuriad am gyfnod o 6 mis o'r cyfarfodydd, os na ellith weld ei hun yn rhydd i fod yn bresennol. Mae Gwawr yn hollol fodlon cysylltu a'r clerch a cynghorwyr, trwy ebyst neu ffôn, a gyrru unrhywbeth sydd yn codi trwy law y clerch.

Mae 2 sedd wâg gan Y Cyngor o hyd, sef 1 yn Deiniolen, ac 1 yn Bethel.

6. Cofnodion Cyfarfod 2ail Ebrill 2019

Derbyniwyd y cofnodion fel rhai cywir

Phyllis Ellis (1)

R. Hefin Williams (2)

7. Materion o'r cofnodion

Lloches Bws Penisarwaun – Derbyniwyd esboniad am y gôst i'r llwybr i fyny i'r cysgodfan. Er ein bod yn anhapus fod rhan o'r gwaith o godi cerbau i gydymffurfio â safonau cyfredol yn gyfrifoldeb Cyngor Gwynedd, penderfynwyd mynd ymlaen a'r gwaith.

Arwydd Lon Cae Metta – Mae Cyngor Gwynedd wedi cytuno i roi arwydd ar y lôn o gyfeiriad lôn Crawia. Heb glywed dim gan y cwmni ysweiriant ynglyn a'r fainc. Y clerch I ffonio.

Ciosg Rhiwlas – Atgoffa y trydanwr i wneud y gwaith.

CCG – Derbyniwyd llythyr yn nodi fod eu cais am grant i Lywodraeth Cymru i adeiladu tai ger Maes Gwylfa, Deiniolen wedi bod yn llwyddianus. Bydd y datblygiad yn cynnwys adeiladu 9 tŷ Newydd a fydd yn gymysgfa o unedau 2 a 3 ystafell wely a byngalo wedi ei addasu a fydd yn ateb y galw yn lleol am dai cymdeithasol. Oso es gan drigolion lleol ddiddordeb yn yr eiddo Newydd, bydd rhaid cofrestru gyda'r Tîm Opsiynau Tai.

8. Gohebiaeth a materion eraill

Llythyr gan trigolion Brynrefail – Derbyniwyd llythyr yn gofyn i'r cyngor drefnu i gael ysgubo ffordd i lanhau ymylon ffordd y pentref a darn o ffordd gyswllt o ffordd ysgoi deheuol i'r pentref at Pont Injan. Hefyd rhoi sylw perthnasol i docio'n ôl gordyfiant sy'n ymwthio i'r ffordd gyferbyn a hen gapel a thy Bryn Parc. Y clerch i anfon y llythyr ymlaen ynghyd a llythyr gefnodol gan y Cyngor Cymuned.

Ceisiadau Nawdd I Eisteddfod yr Urdd – Derbyniwyd cais gan Ysgol Gwaun Gynfi am gyfraniad tuag at gostau cludo plant i Eisteddfod Genedlaethol yr Urdd. Bydd grŵp

Dawnsio Gwerin Bl 3 a 4 ynghyd a'r Ymgom yn cystadlu yn Gaerdydd ddiwedd y mis. Ni dderbyniwyd cais arall, ond mae'r cynghorwyr am holi y neu pentrefi fel y gallwn gefnogi pawb yr un fath. Pob lwc a dymuniadau da il gystadlewyr yr ardal yn Gaerdydd.

Ysweiriant y Cyngor – Derbyniwyd amcanbris ysweiriant y cyngor sy'n ddyledus mis Mehefin. Adolygwyd y polisi llynedd i sicrhau fod y polisi yn cydymffurfio ac anghenion Y Cyngor. Nodwyd fod yn rhoi gwerth am arian ac yn ddigon rhesymol eto eleni. Penderfynwyd ei dalu.

9. Cynllunio

Ceisiadau a dderbyniwyd yn ystod y mis:

Gallod, Fachwen – Dymchwel yr estyniad presennol a chodi estyniadau Newydd. Dim Gwrthwynebiad

Tyddyn Difyr, Bethel – Estyniad deulawr ynghyd a chreu anecs. Dim gwrthwynebiad.

Bronant, Bethel - Estyniad i'r uned ddiwylliannol presennol ar gyfer storio cyfarpar offer yn ddiogel. Dim Gwrthwynebiad.

Blaen Cae Isaf, Deiniolen – Gosod Caban i'w ddefnyddio fel anecs. Dim Gwrthwynebiad

1 Dinorwig Cottage, Dinorwig – Newid defnydd llecyn o dir ar gyfer llecynau parcio a gardd

2 Rhos Penrhyn, Rhiwlas – Dymchwel yr eddyniad presennol a chodi estyniad deulawr yn ei le

Fferm Cefn Llan, Bethel – Dymchwel annedd bresennol a chodi annedd deuol Newydd.

Ty Ni, Gallt y Foel – Cais i ddiddymu cytundeb 106 oddi ar gais cynllunio C07/A/0095/18/LL er mwyn diddymu'r angen i gadw'r tŷ'n fforddiadw'n barhaol.

Grwp Cynefin – Holi ynglyn a'r arian i wella cymuned yn dilyn adeiladu tai.

10. Mantolen Ariannol

Derbyniwyd y fantolen ariannol yn hollol gywir. Nodwyd dipyn o wahaniaeth yn yr hyn yr oeddem yn ei ddisgwyl ar ôl yn falansau i beth y nodwyd ar y gyllideb, Mae yn ddigon gwir fod yna ambell i anfoneb i ddisgwyl ac yn hwyr yn ei dderbyn ddiwedd Mawrth, ac felly fod hyn wedi ei gario ymlaen i'r flwyddyn gyfredol. Fodd bynnag, mae rhan fwyaf o'r balans ychwanegol oherwydd bu y tywydd yn ffariol dros y gaeaf, ac felly nid oedd gofyn am wario ar graeanu ffyrdd.

Mae'r Cyngor yn ceisio anelu at wneud gwelliannau o fewn y gymuned a hynny yn golygu casglu arian hirdymor, gan fod cynifer o bentrefi o fewn y Gymuned. Awgrymwyd felly i edrych ar symyd y gormodedd yn falansau o dan adain "Projectau Cymunedol", eleni, a hynny o bosib yn digwydd yn flynyddol, lle bo angen, ond gan fod cyllideb yn cael ei gosod yn flynyddol, ac yn cael ei adolygu yn chwarterol drwy'r flwyddyn, bydd yr arferiad a'r amcangyfrifon yn fwy cywir.

Penderfynwyd trafod y swm yma ynghyd a'r gyllideb a'r Polisi Ariannol mis Mehefin.

11. O gwmpas y Bwrdd

Penisarwaun – Twll yn ffordd Cae Hywel wedi ei lenwi.

Diffriblydd – Pleser yw cael dweud fod Penisarwaun bellach gyda 2 diffriblydd.

Llinellau Melyn – Mae'r llinellau melyn sydd wedi eu peintio tu allan i'r ysgol ym Mhenisarwaun wedi mynd dros amser ac angen eu ail peintio.

Brynrefail – Mae tarmac a llwybr beics o amgylch y llyn yn edrych yn dda, trueni nad yw wedi 'i oleuo.

Mae gwair y parciau chwarae yn sobor o uchel, ac nid yn cael ei dorri ddigon aml gan Y

Cyngor Sir. Mae'r broblem yma ym mhob pentref, ond gan mae'r Cyngor Sir sydd yn gyfrifol, ni allwn wneud dim ar hyn o bryd.

Rhiwlas – Mae llwybr neu ffordd o top Rhiwlas, Ty'n LLidiart I Tai Rallt, yn cael ei ddefnyddio I reidio quad beics a beics modur a hefyd yn lwybr I gerddwyr a cŵn 'run pryd. Cysylltu a'r Cyngor Sir yn gofyn iddynt os ydi bosib iddynt ystyried a gweithredu ar yr opsiwn gorau o ochr iechyd a diogelwch y cyhoedd.

Cynrychiolaeth Aelodau ar gwahanol fudiadau - Nodwyd nad oes gan y Cyngor restr o gwbl o bwy sydd yn cynrychioli y Cyngor Cymuned ar fudiadau. Felly, penderfynwyd ei roi ar agenda mis Mehefin i greu rhestr.

Biniau Halen – Bin halen Bro Elidir, Dinorwig a Ion Garnedd Deiniolen dal heb eu gosod.

Cynllun Treftadaeth – Cafwyd adroddiad byr gan Idris Thomas fod y teithiau cerdded, a'r syniadau ac awgrymiadau yn mynd yn dda ac y bod 3 taith gerdded wedi bod. Bydd y daith nesaf diwedd Mai, ac yna fydd y criw yn rhoi adroddiad at ei gilydd erbyn diwedd Mehefin.

Swyddog Adfywio – Cafwyd wybod mai Rhian Elin George yw'r Swyddog Adfywio Newydd yn yr ardal.

Diffriblydd Deiniolen – Cafwyd adroddiad gan Emma Chappell bod dau diffriblydd arall ar y ffordd, bod un yn mynd i Ddinorwig a llall ar wâl Tŷ Elidir. Nodwyd fod un Clwt y Bont wedi ei ddefnyddio yn barod yn ddiweddar.